

IKASLEEN PROTESTA. Legea bertan behera uztea eta Del Castillo Hezkuntza ministroaren dimisioa eskatu zuten

Hegoaldeko milaka ikasle mobilizatu dira Unibertsitate Legearen aurka

Greba deialdiak erantzun zabala izan du EHUn eta NUPen, ikasleen % 90 ingurukoa, antolatzaileen arabera

Gorane Agirre | BILBO

Euskal Herriko Unibertsitateko (EHU) eta Nafarroako Unibertsitate Publikoko (NUP) milaka ikasle manifestatu ziren atzo Espainiako Unibertsitate Legearen proiektuaren kontra. Era berean, EHuko Ikasle Kontseiluak eta Eraldatu taldeak egin-dako greba deialdiak erantzun zabala izan zuen bi unibertsitateetan, batez beste, % 90 ingurukoa antolatzaileen arabera.

Unibertsitate Legearen kontrako greba EHuko hiru campusetan «ia erabatekoa» izan zela adierazi zuen Pablo Gomez Salazar Ikasle Kontseiluko lehendakariak, % 95ek deialdiarekin bat egin zuela gaineratuz. Grebarekin batera, EHuko ikasleek manifestazioak egin zituzten hiru hiriburuetan.

Bilbon milaka ikaslek (10.000 antolatzaileen arabera) hartu zuten parte txingor eta euripean egin zen manifestazioan. Udaletxetik Jesusen Bihotzarainoko ibilbidea egin zuen manifestazioa, PPren egoitzaren aurrean bukatu zen, non manifestariak arraultzak jaurti zituzten.

Unibertsitate Legeari ez lemapeko manifestazioan lege proiektuaren kontrako leloak oihukatu zituzten eta Pilar del Castillo Hezkuntza ministroaren dimisioa eskatu zuten.

Donostiako kaleetan barrena egin zuten manifestazioan 500 lagun inguruk hartu zuten parte. Manifestariak eskuorriak banatu eta eserialdiak egin zituzten ibilbidean zehar, Ibaetatik udaletxeraino.

Gasteizen, bestalde, 200 lagun inguru izan ziren Unibertsitate Legearen kontrako manifestazioan. Farmaziako Fakultatetik atera zen protestaldiak hiriburuko kale nagusiak zeharkatu zituen.

Beste unibertsitate eredu bat eskatu zuten NUPen

NUPen, bestalde, ikasleen % 90ek greba egin zutela adierazi zuten Eraldatu taldeko kideek. Era berean, *Unibertsitate Legearen aurka*. Beste unibertsitate bat bideragarria da lemapeko manifestazioan 800 lagun inguruk parte hartu zutela nabarmendu zuten.

Jorge Sola Eraldatu taldeko



JOSU ETXEBARRIOSTE

Milaka ikaslek hartu zuten parte Unibertsitate Legearen aurkako greba eta mobilizazioetan. Goiko irudian, ikasleek Bilbon egin manifestazioa. Behekoan, Sarrikoko gela bat, hutsik, grebagatik.

eledunak nabarmendu zuenez, «balorazio oso baikorra egiten dugu deialdiak izan duen erantzunaz, denbora gutxi izan dugun arren, gure helburuak gain-

ditu egin direlako». Legearen kontrako jarrera lau arrazoi nagusitan labur bildu zuen Eraldatuko ordezkariak: «unibertsitatearen pribatizazioa, ikasleen

ordezkaritzaren murrizketa, unibertsitatearen Estatu mailako zentralizazioa, eta funtzionario ez diren irakasleen lan baldintzak okertzea».

ERREKTOREA

Montero ados da mobilizazioen helburuekin

Manu Montero EHuko errektoreak bere egin zituen ikasleen mobilizazioen helburuak. Izan ere, bere hitzetan, Unibertsitate Legea «arrazoi askogatik kritika daiteke».

«Ez ditut ikasleen mobilizazioak epaitu nahi, errespetatzen dudana eskubide demokratiko bat erabiltzen ari dira. Bat nator mobilizazioaren helburuekin; hau da, lege proiektu honen kontrako jarraitarekin, egoera askoz ere okerrago batera eramaten gaitu eta».

Monteroren ustez, «lege proiektua Senatuan aldazea da egokiena», eta horrela gertatuko ez balitz, Eusko Legebiltzarrak Unibertsitate Lege bat egiteari buruz «hitz egiteko unea litzateke».